

(2) SI CRIMINI CERTA POENA EST A  
*legibus constituta, eam iudex irrogare tenetur.*

**F**erre cum primum reliquis succederet ætas,  
Pulsa loco, fraudi cessit, avita fides.  
Hic hominum generi Divos (peccasse misertos,  
Nunc quoque propitios) consuluisse ferunt.  
Certa magis semper certis tormenta dederunt  
Criminibus, regi non varianda suo.  
Audeas, & nostrum quisquam decreta Deorum  
Arbitrio temere posthabuisse suo?  
Scilicet integrior sancita lege voluntas  
Iudicis, in varios sæpe reflexa dolos.  
Morte reum multare jubet Lex iusta: severa est  
Illa nimis, precio mansuefacta silet.  
Verbera Lex, iudex, contempta lege, securim  
Imperat, irata non leve mentis opus.  
Non tam celsa placent tua Romule mœnia plebi,  
Quam Lex legitimi religioſa fori.  
Sed neq; Lex populo quicquam, neq; mœnia profunt,  
Cum sedet in medio carnisicina foro.  
Si qua severa nimis veniam meret actio, legi  
Id tribues, legi si qua remissa meret.  
Quod malè fit, legi malè fit, sibi conscia damni  
Ipsa sui, iudex criminis æqua foret.

17) VENDITOR IN RE VENDITA CAE-  
teris creditoribus non præfertur.

**V**endideras Sejo sua prædia Titius, emptor  
Pro certo incertam cum daret ære fidem.  
Iamq; simul fidei Seji rerumq; suarum  
Naufragium medias foverat inter aquas.  
Creditor ire frequens capis per prædia, qualis  
Desertum esuriens lustrat ovile lupus.  
Titius hic; Mea sunt, sunt hæc mea prædia, clamat,  
Emptori precio non sua facta sua.  
Cætera turba negat: Nobis quoque partibus aquis  
Distribui recti conscia iura volunt.  
Nam tuus hic Titi, qua primum venditus hora,  
Sejo cessit ager, defuit esse tuus.  
A nobis res nostra etiam malè credita Sejo est,  
Et sumus in simili conditione pares.  
Quanto maior erat pars æris debita, tanto  
Hic etiam fundi pars tibi major erit.  
Omnia si cupias, nobis injuria fiet:  
Isto non vniquam fors erit aqua modo.  
Quisque suo tantum summo de jure recedat,  
Divisus facile cætera reddet ager.  
Dixerat: invitus (quondam sua) prædia linguis  
Titius; id tandem cogere iura videt.